

# Namminersorlutik Oqartussat nunani allani kiffartuussisarneranni atorfnitsitsisarneq pillugu Namminersorlutik Oqartussat nalunaarutaat

Kalaallit Nunaanni Namminersornerullutik Oqartussani kommuninilu tjenestemandit pillugit Inatsisartut inatsisaanni nr. 21-mi, 18. december 2003-imeersumi § 6, imm. 4 naapertorlugu aalajangersarneqarpoq:

**§ 1.** Fuldmægtigit, immikkut siunnersortit, siunnersortit pisortaattut aammalu pisortatut atorfinni Namminersorlutik Oqartussat nunanut allanut kiffartuussivianni atorfnitsinneqarneq sumi inissisimanissaq pillugu ilisimatitsissutitaqanngitsumik pisassaaq. Nunanut allanut tunngassuteqartunut Naalakkersuisup sulisorisanik sumi inissiinissaq aalajangiiffigissavaa Nunanut allanut Pisorta qarfimmi Kalaallit Nunaatalu avataani sinniisoqarfinni atorfeqarnermut sumilu atorfeqarnissamut tunngatillugu.

*Imm. 2.* Namminersorlutik Oqartussat nunani allani kiffartuussineranni Nunanut allanut Pisorta qarfimmi imaluunniit sinniisoqarfinni sulisorisanik inissiineq taamaattumik allagarsiinertaqanngitsumik pisassaaq. Tamanna aamma atorfimmi qaffatsitaanermi atuuppoq.

*Imm. 3.* Namminersorlutik Oqartussat qitiusumik aqutsisoqarfianni allani sulisorisat suliffigisami allagarseereernikkut Namminersorlutik Oqartussat nunanut allanut kiffartuussiviannut nuunneqarsinnaapput imaluunniit Namminersorlutik Oqartussat Kalaallit Nunaata avataani sinniisoqarfiinut aallartinneqarsinnaapput.

*Imm. 4.* Namminersorlutik Oqartussat nunani allani kiffartuussiviini sulisorisanik atorfnitsitsineq tamanut saqqummiussamik allagarseereernikkut pisassaaq.

**§ 2.** Nalunaarut ulloq 12. november 2013-imi atuutilersinneqarpoq.

*Imm. 2.* § 1, imm. 1-2-mi aalajangersakkat sulisorisanut 12. november 2013-imi Namminersorlutik Oqartussat nunanut allanut kiffartuussivianni inissisimasunut atuupput, pineqartut atorfnitsitaanerannut atatillugu allakkami atorfik taaneqartoq imaluunniit sumi inissinneqarneq apequtaatinnagu.

*Kalaallit Nunaanni Namminersorlutik Oqartussat, ulloq 12. november 2013*

Vittus Qujaukitsoq

/

Peter Hansen

**Namminersorlutik Oqartussat**

Imaneq 4

3900 Nuuk

E-mail: [nsninatsit@nanoq.gl](mailto:nsninatsit@nanoq.gl)

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut